

Headline	Prihatin keluh kesah rakyat		
MediaTitle	Harian Metro		
Date	02 Dec 2016	Color	Full Color
Section	Setempat	Circulation	179,231
Page No	20	Readership	537,693
Language	Malay	ArticleSize	577 cm ²
Journalist	Fatimah Hassan	AdValue	RM 22,643
Frequency	Daily	PR Value	RM 67,929



Prihatin keluh-kesah rakyat

■ Kerajaan sentiasa beri perhatian untuk meringankan kos sara hidup

Nasharuddin Muhammad,
Mohd Nasif Badruddin,
Hairulazim Mahmud, Siti
Fatimah Hassan dan Yusmizal
Dolah Aling
am@hmetro.com.my

Kuala Lumpur

Datuk Seri Najib Razak menegaskan kerajaan pimpinan UMNO dan Barisan Nasional (BN) amat prihatin dengan keluh-kesah rakyat dan sentiasa berusaha meringankan kos sara hidup mereka.

Presiden UMNO berkata, contohnya, bantuan khas kepada pekebun kecil sebanyak RM200 selama tiga bulan bagi musim tengkujuh merangkumi 440,000 pekebun kecil dan penoreh.

Selain itu, menurutnya, hampir 60,000 nelayan diberikan elaun khas RM200 hingga RM300 sebulan sepanjang tahun dan pesawah pula menerima RM1.3 bilion dalam bentuk subsidi harga, benih dan baja padi.

Katanya, buat pertama kali juga, kerajaan menyediakan RM30 juta bagi menyelaraskan pendidikan tahfiz melalui Dasar Pendidikan Tahfiz yang sedang dilaksanakan dan akan terus diperkasakan.

“Kerajaan mengambil berat kebajikan imam di mana

elaun bulanan mereka dinaikkan kepada RM850 membabitkan 15,000 imam di seluruh negara dan bantuan khas one-off kepada bilal dan siak. Bagi guru Kafa (Kelas Asas Fardu Ain) pula, elaun bulanan mereka dinaikkan kepada RM900.

“Demikianlah antara banyaknya usaha yang sudah kita persembahkan demi mendahulukan kepentingan rakyat. Sekiranya rakyat menjadi hakim dan memilih, DAP atau UMNO?” katanya ketika menyampaikan ucapan dasar bertemakan, UMNO Penggerak Transformasi Nasional pada Perhimpunan Agung UMNO 2016 di Pusat Dagangan Dunia Putra (PWTC) di sini, semalam.

Perdana Menteri berkata, orang Melayu, Bumiputera dan rakyat Malaysia kini berdepan persimpangan paling genting dalam sejarah politik negara pada Pilihan Raya Umum ke-14 (PRU-14) akan datang sama ada untuk mengekalkan keindukan kerajaan pimpinan UMNO atau DAP yang tidak boleh diambil mudah dan enteng

biarpun ada umat Melayu dan Bumiputera masih leka mengenai perkara ini.

“Sekiranya negara ini jatuh ke tangan DAP yang memperjuangkan liberalisme melampau dan fahaman sekular berbahaya, hal dan keistimewaan diperjuangkan UMNO selama ini termasuk institusi Bumiputera seperti MARA, FELDA, RISDA, FELCRA dan TERAJU akan pupus dan lenyap. Begitu juga institusi pengajian tinggi kebanggaan orang Melayu dan Bumiputera selama 60 tahun, UiTM (Universiti Teknologi MARA) tidak akan lagi mampu mengekalkan falsafah penubuhannya.

“Bahkan lebih dahsyat, jika dikaji perlembagaan DAP, tiada langsung menyebut Islam sebagai agama Persekutuan, tidak dinyatakan untuk menjunjung Raja-Raja Melayu dan tidak tertulis satu ayat pun untuk melindungi hak dan keistimewaan orang Melayu dan Bumiputera.

“Walaupun institusi berkaitan Melayu Islam seperti Lembaga Tabung Haji (TH), JAKIM (Jabatan Kemajuan Is-

lam Malaysia), JAWHAR (Jabatan Wakaf, Zakat dan Haji) dan Lembaga Zakat negeri juga diperlekeh dan dicabar kewujudannya,” katanya.

Turut hadir, Naib Presiden UMNO yang menjalankan tugas Timbalan Presiden Datuk Seri Dr Ahmad Zahid Hamidi, Naib Presiden UMNO Datuk Seri Hishammuddin Hussein, Ketua Wanita Tan Sri Shahrizat Abdul Jalil, Ketua Pemuda Khairy Jamaluddin Abu Bakar dan Ketua Puteri Datuk Mas Ermeyati Yusoff.

Dalam pada itu, Najib turut menegaskan tumpuannya kini untuk melaksanakan jihad lebih besar dengan menumpukan 100 peratus kudrat dan keringatnya bagi memajukan ekonomi dan pembangunan negara demi

Headline	Prihatin keluh kesah rakyat		
MediaTitle	Harian Metro		
Date	02 Dec 2016	Color	Full Color
Section	Setempat	Circulation	179,231
Page No	20	Readership	537,693
Language	Malay	ArticleSize	577 cm ²
Journalist	Fatimah Hassan	AdValue	RM 22,643
Frequency	Daily	PR Value	RM 67,929

menjaga kepentingan 31 juta rakyat Malaysia daripada membuang masa dan menghabiskan tenaga melayan dan melawan segelintir pengkhianat bangsa dan negara yang tidak bertanggungjawab.

Beliau berkata, segala tuduhan dan fitnah yang di-kerangka, direncana dan dipertimpakan ke atasnya, kepimpinanannya dan kerajaan dengan isu politik, GST (cukai barang dan perkhidmatan), rasionalisasi subsidi, IMDB (Malaysia Development Berhad) serta kos sara hidup, sebahagian besarnya sudah dijawab dengan jelas dan sedang ditangani.

"Contohnya, mutakhir ini meskipun kita menghadapi ketidaktentuan dan kesuraman ekonomi global, KDNK (Keluaran Dalam Negara Kasar) pada suku ketiga 2016 Malaysia tetap mencatat perkembangan KDNK sebanyak 4.3 peratus dan kita yakin sasaran hingga 4.5 peratus pada 2017 pula akan tercapai.

"Hasil kepemimpinan UMNO dan Barisan Nasional

(BN) berjaya menonggak kemakmuran ekonomi. Lawatan saya ke Jerman, baru-baru ini berjaya memeterai pelaburan 1 bilion Euro atau hampir RM5 bilion melalui syarikat Osram manakala melalui lawatan ke China pula berjaya mencipta sejarah dengan memeterai perjanjian pelaburan bernilai hampir RM144 bilion yang akan memberikan pulangan lumayan kepada negara.

"Ini semua hasil usaha siapa? Kalau bukan inisiatif kerajaan yang diinduki dan dipimpin oleh UMNO. Namun demikian, ada juga segelintir pihak yang tak suka dengan apa pun yang kita lakukan. Bila tiada pelaburan, mereka kata kita gagal. Bila kita bawa masuk pelaburan, mereka kata kita gadai negara," katanya.

Menurutnya, tuduhan mengatakan Malaysia akan bankrap adalah tidak berasas dan dusta semata-mata sedangkan penarafan yang dibuat bukan pihak sebarang-sebarang.

"(Ia) bukanlah oleh Majlis Presiden Pakatan Harapan atau DAP atau PKR (Parti Keadilan Rakyat) atau Mat Sabu maharaja lawak tetapi penarafan rekod kejayaan negara dipersahihkan oleh badan serta agensi antarabangsa diiktiraf kewibawaannya di serata dunia," katanya.



>> **KDNK pada suku ketiga 2016 Malaysia catat perkembangan KDNK sebanyak 4.3 peratus**

Headline	Prihatin keluh kesah rakyat		
MediaTitle	Harian Metro		
Date	02 Dec 2016	Color	Full Color
Section	Setempat	Circulation	179,231
Page No	20	Readership	537,693
Language	Malay	ArticleSize	577 cm ²
Journalist	Fatimah Hassan	AdValue	RM 22,643
Frequency	Daily	PR Value	RM 67,929

